

MEMORIA

2018

LUGARITZ
KULTUR ETXEA





Vidiana, Literaktum

2

2018an arte eszenikoak berriro izan dira protagonistak Lugaritzeko eskaintza kulturalen. Hala, berrogeita hamarretik gora antzezlan eta musika emaldi eskaini izan dira bertan. Eremu emankor horri zinemaren, literaturaren eta erakusketen hainbat proposamen gehitu zaizkio, baita urtean zehar garatu izan diren ikastaroak eta tailerrak ere. Bestalde, ugariak izan dira ere jardura sektorial espezifikoak, hurrei, gazteei eta nagusiei zuzenduak.

2018an, Lugaritz Kultur Etxeak 25 urte bete zituen. Urteurren horretan, antzerki-pro- gramazioa -askotarikoa eta anitza- izan da Kultur Etxearen alderdirik nabarmenena eta jendearen artean interes handiena piztu duena.

Alberto San Juan edo **Teatro del Noctámbulo**renak bezalako proposamen artistikoek gaur egungo egoera politiko eta sozialean ageri diren arazoak salatzearekin konprometituriko arte eszenikoen alde egin dute apustu. Joera hori beste batzuekin txandakatu da, komediatik

eta kostunbrismotik gertuago dau-denekin, hala nola **Perigallo Teatro** edo **La Estampida**renekin. Horiekin batera, pisu eta estilo desberdineko beste batzuk ere eszenaratu dira: **Zanguango**, **Viridiana** edo **La Calderonarenak**.

2018an ere, bertako antzerkirik amateurrenak bere lekua izan du programazioan, eta horri esker, **Ausartak**, **Kemen**, **Pixcolabis** edo **Tgorrieta** konpainiek, besteak beste, oso harrera ona izan dute ikus-entzuleen aldetik.


Haurrentzako antzerkiak ere maila artistiko bikaina erakutsi du, eta **Gorakada**, **Paraíso**, **Anita Maravillas** edo **La Petita Malumalugaren** lanak ere oso ondo hartu zituzten ikus-entzuleek.

Nabarmentzekoa, halaber, **Cyrano**ren egokitzenaren estreinaldia, **Cie Hecho en Casaren** eskutik, Lugaritzen 2017an egindako egoitzaldian, zeinean Ibai Ikastolako ikasleek hartu baitzuten parte. Emaitzak distiratsuak eta ikusgarriak izan ziren.

2018an, Lugaritzek parte hartu zuen beste antzerki-ziklo batzuetan ere:

dFERIA, **Gazte Antzerki Topaketak**, **Poltsiko Antzerkia** eta **Kale Antzerkia**. Era askotako estiloak eta proposamen artistikoak agertu ziren horietan.

Musika-programazioan, bestalde, euskal artistak izan ziren gehienak, eta oso estilo desberdinetakoak. Proposamen abangoardistagoak, hala nola **Ibarrola** eta **Fresco**ren **Ama** proiektua, edo



Delorean

Pau eta **Nassimen** inprobisazioak; eta bestelakoak, hala nola **Deloreanek La-boaren** lanez egindako egokitzapen guztiz pertsonala; edo **Iñaki Salvador** eta **Karlos Gimenezek**, **Petti** eta **Ainara Ortega**rekin batera, **Imanol Larzabal**enaz egin zutena. Ekinbide horiei **Bedaxagarren** taldearen iparraldeko ekarpenak gehitzen bazaizkio, edota **Thierry Biscaryk** aurkeztutako **Manez eta Kobreak** proiektua, esan daiteke ondo bermatuta geratu zela musika-estiloen aniztasuna. Kultur Etxeko beste klasiko bat ere aipatu beharrekoa da: **Donostia Bertsotan**; eta hori gutxi balitz, antzokitik kanpo eta **Tolosako Abesbatzen** zikloaren barruan, azpimarragarria **The Convivium Singersek** Ibaetan eman zuten kantaldia.

Zinearen arloan, **Giza Eskubideen Zinemaldia**rekiko lankidetzaz gainera, **zientzia-fikziozko filmografiari** eskainitako ziklo berri bat sortu izana nabarmendu zen. 2018an eman ditu lehen pausoak.

Erakusketei dagokienez, aipatzekoak **Rébecca Dautramerek Cyranoren** ediziorako egindako ilustrazio ekialde kutsukoak. Aipagarriak, halaber, **Mattinek** ikusgai jarritako litografiak, zeinak haur ipuinen lehiaketarako oinarri baliatu baitzituzten; bai eta Sri Lankan etxebizitzak eraikitzen ari den elkartasun-sareari eskainiak ere. Urteko azken erakusketa Miramarreko parkeko florari eskaini zitzaion. Autoreak, **Marko Sierrak**, material ugari bildu zuen, eta parketik ibili didaktikoekin osatu zuen.

Ikastaro eta lantegiei dagokienez, ikusi zen jende gehiagok eman zuela izena udazkeneko deialdian. Gehitze hori nabaria izan zen **antzerki-ikastaroetan** eta **arte plastikokoetan**. Nabarmentzekoa ikastaro berriak agertu izana, hala nola **flamenkoaren historiari eta ezau-garriei** buruzkoak, **Curro Velázquez** **Gazteluren** eskutik; eta **Thierry Biscaryren** euskal kantena. Ikastaroei buru emateko, ikasleek egindako



Funamviolistas, dFERIA



Cyrano, Haur Antzerkia

antzerki- eta musika-erakustaldiak ere aipagarriak eta merezimendu handikoak izan ziren.

Liburutegi-zerbitzuak, berriz, eutsi egin zion kontsulten eta dokumentu eta erreferentzia bibliografikoen mailegu-mailari. Zerbitzu horren osagarri, bi gizatalderi zuzendutako jarduerak izan ziren: hurrei, **Ipuinaren ordua** eta **Liburu Baby Kluba** programen bitartez; eta helduei, **Literatura eta kafea** solasaldiaren bidez. Literaturaren arloan, aipatu beharrekoa da **Literaktum** programak egindako ekarpena.

Erabiltzaile adintsuagoei dagokienez, **Plus 55** programak pertsona adindunentzako erreferente izaten jarraitu zuen, programako jarduerak jarraitzaile asko izan baitzituzten. Bai bideo-forum saioek eta bai hitzaldiek, osasun-ikastaroek edo teknologia berriek eskari handia izan zuten, eta gauza bera **Igandek dantzan** izeneko jarduerak ere. Gai-

nera, **KZ gunea** zerbitzuak egindako eskaintzak sendotu egin zituen teknologia berrien inguruko ikastaro-proposamenak.

Antiguako **Haurtxokoari** eta **Gaztelekuari** dagokienez, izan da ordutegia eta jarduera-egunak emendatzeko eskaririk, baina esan daiteke ezen, zerbitzua mugatua izan bada ere, oso bizia eta betea izan dela.

Merkatua erabiltzen duten elkarteetako jarduerak ere emendatu egin ziren 2018an, eta instalazioen erabilera-maile bere goren historikora iritsi zen ia.

Merkatua erabiltzen duten elkarte eta kolektibo horiei dagokienez, 2018ko Olatu Talka jaialdiaren barruan, parte hartu zuten Antiguako egindako jarduerak diseinatzeko eta garatzeko. Jakintza Musika Eskolako ikasleek ere hartu zuten parte jarduera horietan. Denen artean, lortu zen agerian jartzea egun emankorra eta parte-hartzailea izan zela.

JARDUERAK		
	KOPURUA	ERABILTZAILEAK
GUZTIRA	1.571	36.357
Antzerkia	70	8.298
Dantza	0	0
Musika	20	2.331
Zinea	7	240
Hitzaldiak eta mahai inguruak	2	30
Erakusketak	6	1.662
Bilerak eta elkarteen ekitaldiak	1.256	18.001
Liburutegiko jarduerak	58	1.262
Plus 55	43	1.856
Olatu Talka	11	1.340
Gazteleku	44	503
Haurtxoko	54	834
ZERBITZUAK		
	BISITAK	
GUZTIRA	39.353	
Liburutegiko bisitariak	33.914	
Gazteleku	797	
Haurtxokoa	1.004	
Kzgunea	3.384	
Plus 55	254	

Prestakuntza **EMAKUMEAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
GUZTIRA	273	1.323	20	159	47	498
2017/18 ikastaroak	31	274	10	81	21	193
2018/19 ikastaroak	36	383	10	78	26	305
Kzgunea	24	68				

Prestakuntza **GIZONAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
GUZTIRA	91	299	20	83	47	170
2017/18 ikastaroak	31	133	10	42	21	91
2018/19 ikastaroak	36	120	10	41	26	79
Kzgunea	24	46				

BISITAK GUZTIRA: 107.700**IKASTAROEN ERABILTZAILEAK GUZTIRA: 1622**